



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Thronus Dei Maria Deipara

Spinelli, Pietro Antonio

Coloniæ Agrippinæ, 1696

Secundò, Deipara imitanda in humilitate profundissima, n. 6

[urn:nbn:de:hbz:466:1-46853](https://nbn-resolving.org/urn:nbn:de:hbz:466:1-46853)

præfertim lethali labe caueamus, suo Exem-  
plo magnopere nos prouocat: quin etiam ad  
hoc ipsum monitis, ne suarum precum fructus  
culpa nostra impediatur, vehementer hortat-  
ur: Cujus specimen in Nuptijs Canæ Galilææ  
videre licet, in quibus deficiente vino, illud à  
filio procurauit, ministros tamen, ne qua ra-  
tione eorum inobedientia, perficiendo diuini-  
tus miraculo impedimento esset, sedulo admo-  
nit illis verbis: *Quodcumque dixerit uobis,*  
*facite.* quod ipsum e Cælo nobis, pro quibus  
orat, in clamore non desistit, quo, scilicet, diui-  
ne gratiæ, quam nobis impetrat, non desimus  
id quod monebat Apostolus Hebræorum 12.  
Sic enim diuinam legem pro nostra virili par-  
te exequi studentes, ea, quæ pro nobis ipsa pe-  
tit efficacius assequemur. Quocirca qui Virgi-  
nis deuotionem in votis habent, summo studio  
enitentur ab omni peccato, præsertim mortali  
se abstinere illudque diligenter cauere: & præ-  
ter exempla Virginis sedulo imitanda, ejus-  
demque monita, quibus ad hoc nos hortatur,  
plurimum subiectis rationibus ad id permoue-  
bimur. Primò, quia ejus matris, cujus fili-  
um hostiliter aliquis odio persequitur, immò  
& vulnerauit, & quantum est ex se adhuc  
vulnerate non cessat, verè amicus dici non po-  
test. At de peccatoribus illud pronunciat  
Apostolus Hebræorum 6. *Rursum crucifi-  
gentes sibi met ipsos filium Dei, & ostentus ha-  
bentes.*

Respondeo id quidem propter insignem  
Virginis benignitatem, qua etiam peccatores  
non dedignatur, verum esse: Cæterùm ex hoc  
rectè inferri Deum optimum, qui omnes ho-  
mines vult saluos fieri, hac ratione horum pec-  
catorum misereri, eosque per Virgines inter-  
cessionem ad salutarem pœnitentiam trahere  
velle: id quod in iisdem exemplis cernere licet.  
At verò ne salus nostræ animæ in discrimen  
adducatur, studeamus quantoocyus à peccatis  
per pœnitentiæ Sacramentum mundari, nos-  
que quales ipsa Virgo optat, exhibere, ut ejus  
patrocinium, & propensissimam in nos volun-  
tatem re ipsa experiamur.

SECUNDO, DE IPA-  
ra imitanda in humilitate pro-  
fundissima.

Secundò humilitas Virginis est sectanda,  
cujus ipsa in uniuersa vita, & in Cantico  
suo egregia nobis exempla imitanda reliquit,  
quamque in suis deuotis præcipue requirit. De  
hac porro Virginis humilitate imitanda Ber-  
nardus homil. 1. super missus est: *imitare, in-  
quit, humilitatem virginis: si non potes virgini-  
tatem humilis; Laudabilis uirtus uirginitas, sed  
magis necessaria humilitas: illa consulitur, ista  
præcipitur: & si placuit ex uirginitate, tamen ex  
humilitate concepit: unde constat, quia etiam ut  
placeret uirginitas, humilitas proculdubio fecit.  
& mox: Si igitur uirginitatem in Maria non  
potes nisi mirari, stude humilitatem imitari, &  
sufficit tibi. Idem sermone signum magnum,  
agens de Virginis humilitate: Merito, inquit,  
facta est omnium Domina, qua se omnium  
exhibebat Ancillam: obsecro uos filioli amu-  
lamini hanc uirtutem, si Mariam diligitis,  
si contenditis ei placere, amulamini modestiam  
ejus. Ita Bernardus, & Ambrosius libro. *Ambros.*  
in Lucam expendens illud: *Eccæ Ancilla  
Domini: Vide, inquit, humilitatem, uide  
deuotionem: Ancillam se dicit Domini, quæ Mater  
eligitur. Nec repentino exaltata promissus est.*  
& Augustinus sermone trigesimo quinto de *Augustin.*  
Sanctis: *Quid prodest hanc interpellare uoci-  
bus, nisi uitam humilitatis ejus exempla tenea-  
mus: & Ildephonus sermone tertio de Assom-  
ptione: Fundata erat, inquit, De Genetrix pro-  
funda humilitate: & dilatata in charitate, pro-  
pterea hodie est tam sublimiter exaltata: sed quia  
celsitu.**

Secundo, i-  
mitanda  
humilitas  
Virginis.  
Luc. 1.  
Bernard.

Ambros.

Luc. 1.

Augustin.

Ildephonus

124. a.

Hebr. 12.

Cur Virgo  
sua in  
notis pec-  
cata dete-  
statur.

Hebr. 6.

Genes. 3.

Psalms. 100

Luc.





cellitudinē, & magnificentiam throni perscrutari non possumus, saltem in sauros ejus humilitatis interdum perscrutemur, ut deinceps ejus intervenientibus meritis, ad gloriam donorum pertingere valeamus: nam humilitas custos reliquarum virtutum est. haecenus ille. Et haec satis sint de humilitate Virginis. reliqua enim, quae ad hanc Deiparae virtutem spectant, fusius persecuti sumus c. 12. & 21. ubi plures eiusdem actus expenduntur.

**Bonaavent.** Illud tamen minimè ornittendum, quod sanctus Bonaventura in Speculo B. Virginis cap. 8. contra eos, qui de bonorum operum fecunditate superbiunt, pulchrè in beatissima **Genes. 16.** Virgine observat: Legitur, inquit, in Genesi de ancilla Sara, quod concepisse se videns, despectis Dominam suam; Mala ergo ancilla Agar de fecunditate inflatur, bona vero ancilla Domini Maria de humilitate fecundatur. Ancilla illa superba Dominam despectis, Ancillam illam humilem Dominus respexit, sicut ipsa humiliter recognoscens dicit: Respexit humilitatem ancilla sua. O anima Christiana, Domini ancilla, sic cum Maria amplectere fecunditatem, ut nequaquam deseras humilitatem, ut ergo de boni operum fecunditate non inflaris, sed magis de humilitate fecundaris, attende humilem ancillam, respice humilem Mariam. haec Bonaventura,

**Augustin.** Augustinus de symbolo ad Catechumenos libro 4. cap. 5. cum ad virginitatem servandam fideles hortaretur: Gaudete, inquit Virgines sanctae, ut propter Christum non vos contristet stilitas, quarum fides magna est fecunditas. Nec doleatis non vos esse matres, qua spiritualiter generatis. & mox imitamini fideles Mariam Capitis vestri. Quod tanta matri contulit, & in sua carne servavit, hoc etiam nobis donavit. Virgo Mater sancta, caro Christi ab omni contagione libera. haec Augustinus.

**TERTIO, DEIPARA IMITANDA**  
in virginitate purissima.

**Tertio, imitanda pu-** **TERTIO,** virginitas in Deipara maximè elucet: de cuius virginitate aliquid c. 21. & copiosius egimus capite 32. Haec virtus multis nominibus à Deipara exigitur ab ijs, qui eiusdem colendae studio tenentur.

**Damasc.** Ideò Damascenus oratione 2. de dormitione: Virgo ipsa est, & Virginum amans: Pura est, & purorum amans & Sophron. sermone de Assumptione: Christus matrem Virginem elegit, ut ipsa

omnibus esset exemplum castitatis. Ambrosius libro 2. de virginitate: Sit, nobis, inquit, tanquam in imagine descripta virginitas vestra, beata Maria, de qua velut in speculo refulget species castitatis, & forma virtutis: Propterea Chrysostomus in sermone de beata Virgine: Quaecumque, inquit, estis Virgines. ad Matrem Domini confugite illa enim pulcherrimam, pretiosissimam, & incorruptibilem possessionem patrocinio suo vobis conferuabit. Ideoque qui eius devotioni se dedunt, castitatem purissimam animae, & corporis praecipue colant: sic enim & ipsi, & eorum obsequia Virgini grata erant Legitur enim in Speculo exemplorum dist. 9. & numer. 26. de Juvene quodam impudico, cui cum Virginem frequentissimè collaudaret in vasta quadam solitudine eturienti Virgo sanctissima in vasis turpibus, & immundis epulas obtulit delicatas: sed cum juvenis propter vasorum immunditiam comedere se posse negaret: Laudes (inquit Virgo) quas mihi offers, bonae sunt: sed cor tuum immundum est; Ideò tuis laudibus non delector. Qua visione admonitus respuit, vitamque meliorem instituit.

**QVARTO, DEIPARA IMITANDA**  
in eximio erga Christum amore.

**QVARTO,** quod in Virgine imitemur est amor eximius, quo Christum filium est complexa; eum enim non solum concepit, peperit, lactavit, educavit, & cum in Templo amississet, sollicitè quaesitum invenit: Sed etiam in toto vitae decursu nunquam deseruit, eique momenti in Cruce, cum suam ipsius animam doloris gladius pertransiit, fortiter assistit, ut capite 8. 9. 10. & 11. dictum est. Post filij verò Ascensionem apud loca illa Christi memoria clara assidue versabatur, illaque crebro, & deuorè obibat.

Nam & in monte Sion, ubi praeciarissima nostrae salutis sunt celebrata mysteria, Virgo sanctissima hospitabatur, ibique animam filio reddidit: sic enim scribit Damascenus sermone 2. de dorm. Virg. In diuina, inquit, & inclita Ciuitate Davidis, in qua lex quidem fuit impleta Prophetarum, pronuntiata autem fuit lex spiritus, in qua typicam pascha peregrinatus Christus legislator, & verum pascha, qui Deus est